

TABVLA

quarta Asiae.



HÆC TABVLA Syriam cum suis
adiacentibus continet, ut alio latere tactum est. Hæc
à Syro quodam nomen traxisse perhibetur. Hanc in-
coluit Fœnix Catheni frater, de Thebis Aegyptio-
rum, qui apud Sidonem regnās, regionem illam suo
nomine Phœniciam nominavit. Hæc fertilis & bona
est, à Iudeis & Saracenis quōdam inhabitata, à Turcis iam tota sub-
acta.

HVC tabulæ, Arabiæ duæ partes inferuntur, Desertæ sci-
licet, & Felicis: Triplex enim Arabia est, Petrea scilicet, Deserta,
& Felix. Et dicitur Arabia, ab Arabo Apollinis, ex Babylone filio.
Alij dicunt, q̃ Arabia idem quod sacrū dicatur, eo q̃ thuriferos odo-
res creet. De felici autem nihil ad propositā tabulā dicendū erit, quia
in sexta de ea tractabitur. Desertæ autē est eremus miræ magnitudi-
nis, ubi nihil nisi serpentes & bestię immanes morantur.
Adiūcta insuper Cyprus insula, cuius ambitus triū milliū quadringē-
torū & uiginti stadiorū à Strabone definit. Longitudo à Clidibus in
Acamantem pedestri itinere, ab oriente in occidentem progrediens
do, mille & quadringentorum stadiorum. Virtute nulla insularum
inferior, uino abundat & oleo, frumenti quoq̃ satis habet. Tyranni
primo ei per urbes dominabantur, inde Ptolæmaici Aegypti reges,
postea romani, tandem in Venetorum concessit ditionem, Turcarū
imperator quātannis penso tributo.